

Časopis **Sigurnosne studije / Security Studies** objavljuje originalne naučne i stručne radove iz oblasti sigurnosnih studija i srodnih interdisciplinarnih područja. Časopis podstiče teorijska, empirijska, metodološka i aplikativna istraživanja savremenih sigurnosnih fenomena na lokalnom, nacionalnom, regionalnom i međunarodnom nivou.

Časopis posebno daje prostor radovima koji doprinose razvoju sigurnosne teorije i prakse, analizi savremenih sigurnosnih prijetnji i rizika, međunarodnoj i regionalnoj sigurnosti, nacionalnoj sigurnosti, upravljanju sigurnošću, privatnoj sigurnosti, kriznom menadžmentu, zaštiti kritične infrastrukture, organizovanom kriminalu, terorizmu, cyber sigurnosti, ljudskoj sigurnosti, civilnoj zaštiti, međunarodnim odnosima i drugim relevantnim područjima.

1. Vrste radova

Časopis objavljuje sljedeće vrste priloga:

1. **Originalni naučni članak** – rad koji predstavlja originalne rezultate teorijskog, empirijskog ili metodološkog istraživanja i sadrži jasno definisan naučni doprinos.
2. **Pregledni naučni članak** – rad koji sistematizira, kritički analizira i sintetizira postojeća naučna saznanja o određenom problemu i donosi novi analitički uvid ili interpretaciju.
3. **Kratko naučno saopćenje** – rad koji donosi važne i jasno ograničene rezultate istraživanja koji ne zahtijevaju obim originalnog naučnog članka.
4. **Stručni rad** – rad koji obrađuje relevantan problem iz sigurnosne prakse i daje stručnu analizu, prijedloge ili preporuke zasnovane na relevantnim izvorima.
5. **Prikaz knjige, konferencije ili drugog naučnog događaja** – kraći prilog kojim se predstavljaju i kritički vrednuju relevantne naučne publikacije ili događaji.

Redakcija zadržava pravo da predloženu kategoriju rada izmijeni u skladu sa sadržajem i naučnim karakterom rukopisa.

2. Opći kriteriji za prihvatanje rukopisa

Rukopis treba ispunjavati sljedeće osnovne kriterije:

- tema rada mora biti relevantna za područje sigurnosnih studija ili srodne discipline;
- rad mora sadržavati jasno definisan problem istraživanja;
- cilj rada mora biti precizno formulisan;
- kod empirijskih istraživanja moraju biti jasno predstavljeni metodologija, uzorak, instrumenti i metode analize;
- teorijski okvir mora biti relevantan i povezan sa predmetom istraživanja;
- zaključci moraju proizlaziti iz predstavljene analize i rezultata;

- rad mora sadržavati jasan naučni ili stručni doprinos;
- izvori moraju biti relevantni, provjerljivi i pravilno citirani;
- rukopis mora biti jezički, tehnički i terminološki uređen.

Radovi koji su pretežno deskriptivni, bez jasnog istraživačkog problema, analitičkog pristupa i doprinosa, mogu biti vraćeni autoru prije upućivanja u recenzentski postupak.

3. Originalnost rada

Autor odgovara za originalnost i autentičnost dostavljenog rukopisa.

Dostavljeni rad:

- ne smije biti prethodno objavljen u cijelosti ili u bitnom dijelu u drugoj publikaciji;
- ne smije istovremeno biti ponuđen na objavljivanje drugom časopisu;
- mora sadržavati pravilno navedene izvore svih korištenih ideja, podataka, rezultata i citata;
- ne smije sadržavati plagirane ili neovlašteno preuzete dijelove drugih radova.

Autor je dužan obavijestiti uredništvo o svim relevantnim ranijim publikacijama, radnim verzijama, konferencijskim saopćenjima ili drugim oblicima publikovanja iz kojih je rukopis nastao ili sa kojima se sadržajno preklapa.

Redakcija može koristiti odgovarajuće softverske i druge postupke za provjeru originalnosti i sličnosti rukopisa.

4. Jezik rada

Rukopisi se mogu dostaviti na **bosanskom, hrvatskom, srpskom ili engleskom jeziku**, u skladu sa uredničkom politikom časopisa.

Autor je odgovoran za jezičku i terminološku tačnost rukopisa. Rad treba biti napisan jasnim, akademskim i stručno primjerenim stilom.

Kod rada na engleskom jeziku potrebno je osigurati jezički standard odgovarajući naučnoj publikaciji.

5. Struktura naučnog rada

Originalni naučni članak, u pravilu, treba sadržavati sljedeće elemente:

Naslov rada

Naslov treba biti jasan, precizan i informativan. Treba izbjegavati nepotrebno duge i neodređene naslove.

Autori

Navode se ime i prezime autora, akademsko zvanje, institucija i država. Za svakog autora potrebno je navesti ORCID i institucionalnu e-mail adresu, gdje je dostupna.

Sažetak

Sažetak treba ukratko predstaviti:

- problem i cilj istraživanja;
- metodološki pristup;
- najvažnije rezultate;
- osnovni zaključak i doprinos rada.

Preporučena dužina sažetka je **150–250 riječi**.

Ključne riječi

Navodi se **3–6 ključnih riječi** koje predstavljaju sadržaj rada.

Abstract

Za radove napisane na jednom od jezika B/H/S potrebno je dostaviti sažetak na engleskom jeziku.

Keywords

Navodi se 3–6 ključnih riječi na engleskom jeziku.

1. Uvod

Uvod treba jasno predstaviti:

- problem istraživanja;
- relevantnost teme;
- istraživačko pitanje;
- cilj rada;
- osnovnu metodološku logiku;
- očekivani doprinos rada.
-

2. Teorijski i konceptualni okvir

U teorijskom okviru potrebno je predstaviti relevantne teorije, koncepte i prethodna istraživanja. Teorijski okvir treba biti funkcionalno povezan sa istraživačkim problemom, a ne predstavljati samo pregled literature.

3. Metodologija

Kod empirijskih radova metodologija treba sadržavati dovoljno informacija da se istraživanje može razumjeti i procijeniti.

Preporučuje se navesti:

- istraživački pristup i dizajn;
- predmet i populaciju istraživanja;
- uzorak i način njegovog izbora;
- istraživačka pitanja i/ili hipoteze;
- varijable, dimenzije i indikatore;
- istraživačke instrumente;
- način prikupljanja podataka;
- metode obrade i analize podataka;
- etičke aspekte istraživanja, kada su relevantni.

4. Rezultati

Rezultate treba predstaviti sistematično i jasno, bez nepotrebnog ponavljanja podataka u tekstu, tabelama i grafikonima.

5. Diskusija

Diskusija treba povezati rezultate sa teorijskim okvirom i prethodnim istraživanjima. Potrebno je objasniti značaj rezultata, njihovu interpretaciju i moguće implikacije.

6. Zaključak

Zaključak treba sažeti najvažnije nalaze i odgovoriti na postavljena istraživačka pitanja, odnosno pokazati da li su ciljevi rada ostvareni. Zaključak ne treba uvoditi nove rezultate koji nisu prethodno predstavljani.

Literatura

Navodi se samo literatura koja je korištena i citirana u radu.

Kod empirijskih istraživanja posebno se preporučuje jasno navesti ograničenja istraživanja i moguće pravce budućih istraživanja.

6. Teorijski i metodološki zahtjevi

Časopis posebno podstiče radove koji, pored deskripcije, sadrže **analizu, interpretaciju i argumentaciju**.

Autor treba jasno pokazati:

- **šta je problem**
- **šta je istraživačko pitanje**
- **kako je problem teorijski objašnjen**
- **kako je istraživanje provedeno**
- **šta su rezultati**
- **šta rezultati znače**
- **koji je doprinos rada.**

Kod rada koji koristi hipoteze, hipoteze moraju biti povezane sa teorijskim polazištima, operacionalizirane i testirane odgovarajućim metodama.

Kod kvalitativnih istraživanja potrebno je jasno obrazložiti izbor učesnika, izvora podataka, način prikupljanja podataka i postupak analize.

Kod kvantitativnih istraživanja potrebno je navesti relevantne informacije o uzorku, mjernim instrumentima, pouzdanosti i validnosti mjerenja, statističkim postupcima i kriterijima statističkog zaključivanja.

7. Obim rukopisa

Preporučeni obim naučnog rada je:

- **5.000–8.000 riječi**, uključujući bilješke i literaturu, osim ako uredništvo za pojedine vrste priloga ne odredi drugačije.

Pregledni i teorijski radovi mogu biti i duži ukoliko obim opravdava sadržaj i naučni doprinos. Uredništvo može zatražiti skraćivanje rukopisa ukoliko je obim nesrazmjeran sadržaju, ali može i zadržati pravo objavljivanje i dužeg rada ako je od društvenog značaja.

8. Tehničko oblikovanje rada

Rukopis treba biti dostavljen u formatu **Microsoft Word (.docx)**.

Preporučuje se:

- font: **Times New Roman, 12 pt**;
- prored: **1,5**;
- poravnanje: obostrano;
- margine: 2,5 cm;
- numerisanje stranica;
- jasno hijerarhijski označeni naslovi i podnaslovi;
- standardno označavanje tabela, grafikona, slika i drugih priloga.

Tabele i grafikoni moraju imati redni broj i jasan naslov.

Primjer:

Tabela 1. Percepcija sigurnosnih prijetnji prema kategoriji ispitanika

Izvor podataka treba navesti neposredno ispod tabele, grafikona ili slike kada podaci nisu originalni rezultat autora.

9. Citiranje i navođenje literature

Časopis koristi **APA 7 stil citiranja i referenciranja** ([https:// apastyle.apa.org/](https://apastyle.apa.org/)), osim ako uredništvo za određeni broj ili vrstu priloga ne odredi drugačije.

Citiranje u tekstu treba biti konzistentno i sadržavati prezime autora i godinu objavljivanja, a kod direktnog citata i broj stranice. Sva korištena literatura mora biti navedena u tekstu i u popisu literature.

Podaci o citiranom tekstu ili pozivanje na tuđi rad pišu se na kraju teksta ili u samom tekstu – u zagradi. Navode se: prezime autora, godina izdanja te broj stranice ako se dio teksta citira [primjerice, za pozivanje na tekst (Kržalić, 2025) dva autora (Kržalić & Lalić, 2026), više autora (Kržalić et al., 2026) ili citiranje teksta (Modly, 1996:53)].

Na kraju rada navodi se popis literature poredane i numerirane po abecednom redu prezimena autora (ili prvog autora). Ako je više radova istog autora, oni se navode po kronološkom redu objavljivanja od novijega prema starijemu.

Radovi se citiraju na sljedeći način:

a) iz knjige

Matković, H. (2006). *Na vrelima hrvatske povijesti*. Zagreb: Golden marketing – Tehnička knjiga. Horvatić, Ž., Cvitanović, L. (1999). *Politika suzbijanja kriminaliteta*. Zagreb: MUP RH.

b) iz članka

Solomun, D. (2006). *Ekonomski aspekti nacionalne sigurnosti*. *Policija i sigurnost*, 15(1–2), 1–21.

c) iz dijela knjige ili zbornika

Josipović, I. (1996). *Pravni i politički aspekti nastanka Međunarodnog kaznenog suda za bivšu Jugoslaviju*. U: Šimonović, I., Vukas, B., Vukmir, B. (urednici). *Hrvatska i Ujedinjeni narodi*. Zagreb: Organizator, 183-196.

d) iz diplomskog, magistarskog ili doktorskog rada ili disertacije

Pogačić, K. (2006). *Zadaci, ovlasti i mogućnosti Hrvatske gorske službe spašavanja u akcijama traganja za nestalim osobama*. Diplomski rad. Zagreb: Policijska akademija, Visoka policijska škola.

Ako se autor koristio radom objavljenim na internetu, uz navedene podatke potrebno je navesti punu adresu internetske stranice i dan kada je stranica pregledana (npr. <https://mup.gov.hr> – 20. 12. 2024.).

Potrebno je navesti DOI broj uz svaku bibliografsku jedinicu koja ga ima. Autorima se preporučuje korištenje odgovarajućih bibliografskih programa kao što su **Mendeley, Zotero ili EndNote** radi dosljednosti referenciranja.

10. Tabele, grafikoni i slike

Sve tabele, grafikoni i slike moraju biti numerisani prema redoslijedu pojavljivanja u tekstu i moraju biti spomenuti u tekstu.

Tabele i grafikoni trebaju biti jasni, čitljivi i funkcionalni. Ne treba koristiti grafičke elemente koji ne doprinose razumijevanju rezultata.

Autor je odgovoran za pribavljanje potrebnih dozvola za korištenje materijala zaštićenog autorskim pravima.

11. Etika istraživanja

Kod istraživanja koja uključuju ispitanike, posebno u slučajevima prikupljanja osjetljivih podataka, autor je dužan poštovati relevantne etičke standarde.

Kada je primjenjivo, rad treba sadržavati informacije o:

- informiranom pristanku učesnika;
- povjerljivosti i zaštiti podataka;
- anonimnosti učesnika;
- odobrenju nadležnog etičkog tijela.

Autori su odgovorni za zakonito i etički prihvatljivo postupanje sa prikupljenim podacima.

12. Sukob interesa

Autori su dužni prijaviti svaki finansijski, institucionalni, profesionalni ili drugi interes koji bi mogao uticati na objektivnost istraživanja ili interpretaciju rezultata.

Ukoliko sukob interesa ne postoji, preporučuje se navesti:

Autori izjavljuju da ne postoji sukob interesa.

13. Finansiranje istraživanja

Autor treba navesti izvor finansiranja istraživanja, ukoliko je istraživanje finansirano.

Primjer:

Istraživanje predstavljeno u ovom radu podržano je od strane [naziv institucije/projekta, broj projekta].

Ukoliko finansiranje nije postojalo, može se navesti:

Istraživanje nije finansirano iz eksternih izvora.

14. Autorski doprinos

Kod radova sa više autora preporučuje se jasno navesti doprinos svakog autora.

Doprinos može uključivati:

- konceptualizaciju istraživanja;
- razvoj metodologije;
- prikupljanje podataka;
- analizu podataka;
- interpretaciju rezultata;
- pisanje rada;
- kritičku reviziju rukopisa.

Svi navedeni autori trebaju značajno doprinositi radu i odgovarati za njegov sadržaj.

15. Upotreba umjetne inteligencije

Upotreba alata zasnovanih na umjetnoj inteligenciji mora biti transparentna i u skladu sa etičkim principima akademskog rada.

AI alati ne mogu biti navedeni kao autori rada.

Autor ostaje u potpunosti odgovoran za:

- tačnost sadržaja;
- originalnost rada;
- korištene izvore;
- interpretaciju podataka;
- eventualne greške nastale upotrebom AI alata.

Ukoliko je generativna umjetna inteligencija korištena na način koji značajno utiče na izradu rukopisa, autor treba odgovarajuće navesti način i svrhu njene upotrebe, u skladu sa pravilima časopisa i akademskim standardima.

AI alati ne smiju biti korišteni za izmišljanje podataka, rezultata, izvora, citata ili referenci.

16. Postupak dostavljanja rada

Rukopis se dostavlja elektronskim putem preko sistema časopisa ili na službenu adresu uredništva, u skladu sa tehničkim mogućnostima časopisa.

Uz rukopis autor dostavlja:

1. naslov rada;
2. ime i prezime svih autora;
3. afilijaciju autora;
4. ORCID, gdje je dostupan;
5. e-mail adresu autora;
6. sažetak i ključne riječi;
7. izjavu o originalnosti rada;
8. izjavu o sukobu interesa;
9. podatke o finansiranju, ukoliko postoje.

Kada časopis koristi **dvostruko slijepi recenzentski postupak**, autor treba dostaviti:

- verziju rada sa podacima o autorima;
- anonimnu verziju rada bez imena autora, afilijacija i drugih elemenata koji mogu otkriti identitet autora.

17. Recenzentski postupak

Svi naučni radovi podliježu uredničkoj procjeni i, kada ispunjavaju osnovne kriterije, recenzentskom postupku.

Uredništvo najprije procjenjuje:

- relevantnost rada za tematiku časopisa;
- originalnost i naučni doprinos;
- metodološku utemeljenost;
- strukturu i kvalitet rukopisa;
- usklađenost sa tehničkim zahtjevima časopisa.

Radovi koji prođu početnu uredničku procjenu upućuju se na recenziju.

Časopis, u pravilu, primjenjuje **dvostruko slijepi recenzentski postupak (double-blind peer review)**, pri kojem identitet autora nije poznat recenzentu, niti identitet recenzenta autoru.

Recenzent ocjenjuje najmanje:

- originalnost rada;
- relevantnost teme;
- teorijsku utemeljenost;
- metodološku adekvatnost;
- kvalitet i interpretaciju rezultata;

- naučni doprinos;
- kvalitet zaključka;
- kvalitet literature i citiranja;
- jasnoću i akademski stil.

Na osnovu uredničke procjene i recenzentskih mišljenja, rukopis može biti:

- prihvaćen bez izmjena;
- prihvaćen uz manje izmjene;
- vraćen na veću reviziju;
- odbijen.

Konačnu odluku o objavljivanju donosi uredništvo.

18. Revizija rada

Kada se od autora zatraži revizija, autor treba dostaviti:

- novu, izmijenjenu verziju rukopisa;
- odgovor na komentare recenzenata.

Preporučuje se da autor na svaki komentar odgovori jasno i pojedinačno, uz naznaku šta je u radu izmijenjeno i gdje je izmjena izvršena.

U slučaju neslaganja sa određenim komentarom recenzenta, autor treba obrazložiti svoj stav akademskim i argumentovanim pristupom.

19. Predaja rukopisa predstavlja saglasnost autora

Dostavljanjem rukopisa autor potvrđuje da:

- je rukopis originalan;
- rad nije istovremeno ponuđen drugom časopisu;
- svi navedeni autori ispunjavaju kriterije autorstva;
- korišteni izvori su pravilno navedeni;
- podaci i rezultati predstavljeni u radu nisu izmišljeni ili namjerno falsificirani;
- autor prihvata recenzentski i urednički postupak časopisa;
- autor prihvata odgovornost za sadržaj rada.

20. Preporučena struktura rukopisa za autore

Radi lakše pripreme rada, autorima se preporučuje sljedeća osnovna struktura:

Naslov

Autor/i i afilijacija

Sažetak

Ključne riječi

Abstract

Keywords

1. Uvod

2. Teorijski i konceptualni okvir

3. Metodologija istraživanja

4. Rezultati

5. Diskusija

6. Zaključak

Literatura

Prilozi (ukoliko postoje)

Struktura može biti prilagođena prirodi teorijskog, preglednog, kvalitativnog, kvantitativnog ili mješovitog istraživanja.

21. Kontrolna lista prije slanja rukopisa

Prije dostavljanja rada autor treba provjeriti:

- ☐ Da li je tema rada u skladu sa područjem časopisa?
- ☐ Da li je problem istraživanja jasno definisan?
- ☐ Da li su cilj i istraživačka pitanja jasno navedeni?
- ☐ Da li je teorijski okvir relevantan i funkcionalno povezan sa istraživanjem?
- ☐ Da li je metodologija dovoljno detaljno predstavljena?
- ☐ Da li su rezultati jasno prikazani i interpretirani?
- ☐ Da li zaključak proizlazi iz rezultata rada?
- ☐ Da li je jasno predstavljen naučni/stručni doprinos rada?
- ☐ Da li su svi izvori pravilno citirani?
- ☐ Da li se svi citirani izvori nalaze u literaturi?
- ☐ Da li su tabele i grafikoni pravilno označeni?
- ☐ Da li je rad jezički i tehnički uređen?
- ☐ Da li je provjerena originalnost rada?
- ☐ Da li su navedeni sukob interesa i izvori finansiranja?
- ☐ Da li su podaci o autorima i afilijacijama potpuni?

22. Završna napomena

Cilj časopisa **Sigurnosne studije / Security Studies** jeste objavljivanje kvalitetnih, originalnih i metodološki utemeljenih radova koji doprinose razvoju sigurnosnih studija i razumijevanju savremenih sigurnosnih izazova. Autori se ohrabruju da, pored predstavljanja postojećih spoznaja, ponude **vlastiti analitički doprinos, jasno obrazložene rezultate i zaključke koji imaju teorijski, metodološki i/ili praktični značaj za područje sigurnosnih studija.**

Redakcija zadržava pravo da, u skladu sa uređivačkom politikom i specifičnostima pojedinog rukopisa, zatraži dodatna pojašnjenja, izmjene ili dopune prije i tokom recenzentskog postupka.